



Uunga:

Pele Broberg, Naleraq
Inatsisartunut ilaasortaq

§ 37 naapertorlugu apeqquummut nr. 221 - 2024-mut akissut

Inatsisartut suleriaasianni § 37, imm. 1 naapertorlugu Inatsisartuni ilaasortap Pele Broberg, Naleraq, apeqquteqaataa Naalakkersuisunit 11. oktober 2024 tiguneqarpoq.

Apeqqutip ataani akissut allaqqavoq.

1. Naligiissitaaneq assigiinngisitsinnginnissarlu pillugit Inatsisartut inatsisaata (36/2024) malinneqarnissaanut, Naalakkersuisoq sorleq akisussaanut inissimava, pisortaqaqarfiullu suup ataaniippa? Naalakkersuisup pisortaqaqarfiullu aqqi uani akissutigeqquneqarput.

Akissut: Naligiissitaaneq assigiinngisitsinnginnissarlu pillugit Inatsisartut inatsisaat sinaakkutitut inatsisaassasoq Inussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisunit saqqummiunneqartoq 1.juli 2024-mi atuutsilersussanngortillugu UPA2024-mi akuersissutigineqarpoq.

Inatsisartut inatsisaanni § 1 naapertorlugu siunertarineqartoq tassaavoq; assigiinngisitsinernik akiuiniarnissaq aammalu suaassutsip, naartunerup, meeravissartaarnerup, erninermi sulingiffeqarnerup, kinguaassititigut sammiviup, suaassutsini kinaassuseqarnerup, suaassutsimik takutitsinerup, suaassutsit ilisarnaataasa, kingoqqiffiup, ammip qalipaataata, inuiaqatigiinni, inooqatigiinnermi imaluunniit inuianni pinngorfiup, innarluuteqarnerup, ukiut, politikkikkut isiginnittaatsip, upperisap imaluunniit upperisaqarneq apeqqutaatinnagit naligiimik pisinnaatitaaffeqarnerup periarfissaqarnissallu qulakkeernissaat.

Inatsimmi arnat angutillu akornanni naligiissitaanissamut tunngasut Inussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisunit akisussaaffigineqarput.

Inatsimmi assigiinngisitsinnginnissamut tunngassuteqartut eqquutinneqarnissat ataatsimut akisussaaffigineqarpoq, taamaattumillu Naalakkersuisunit ataasiakkaanit susassaqaqarfiit aallaavigalugit akisussaaffigineqarluni.

Assersuutigalugu innarluutilinnut tunngassuteqartut Meeqqanut Inuusuttunullu Naalakkersuisoqarfimmit akisussaaffigineqarput taamaasillunilu inuit innarluutillit immikkoortinneqannginnissaanut tunngatillugu inatsimmiittut

28-10-2024
Suliap normua 2024 - 19842
All. normua. 24678314

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
e-mail: govsec@nanoq.gl
www.naalakkersuisut.gl

akisussaaffigalugit aammalu utoqqarnut, ilaqutariinnut (naartunermut, qitornavissartaartarnermut, meerartaarnermilu sulinngiffeqartarnermut) inunnullu tunngassuteqartut Isumaginninnermut, Ilaqutariinnut, Sulisoqarnermut Nunamullu Namminermut Naalackersuisoqarfimmit akisussaaffigineqarput ilutigisaanillu suliffeqarfinni immikkoortitsisoqannginnissaa il.il. qulakkiigassaralugu.

Naalackersuisut Naligiimik Pineqarnissaq pillugu Ataatsimiititaliamik naalackersuinikkut attuumassuteqanngitsumik pilersitsipput. Naligiimik Pineqarnissaq pillugu Ataatsimiititaliap assigiinngisitsinerit pillugit naammagittaalliutit suliarisarpai.

Med venlig hilsen
Inussiarnersumik inuulluaqqusillunga



Múte Bourup Egede